

ফন্ট ব্যবস্থাপনা করার জন্য যত সফটওয়্যার

মাশরুরা জামিল/mashrura.zamil@gmail.com

আপনার সংগ্রহে যদি শত শত ফন্ট থাকে তাহলে এতগুলো ফন্টের ভেতর থেকে নিজের পছন্দমত ফন্টটি প্রয়োজনের সময় খুঁজে বের করা আর খড়ের গাদায় সুঁই খোঁজা একই কথা। এ কারণেই আমরা আপনাকে দিচ্ছি ফন্ট ব্যবস্থাপনার জন্য কয়েকটি ফ্রি সফটওয়্যারের খোঁজ, যেগুলো দিয়ে আপনি ফন্ট অনুসন্ধান, শ্রেণীকরণ, ট্যাগিং, প্রিন্টিং এবং ইনস্টল/আনইনস্টল করার কাজটিকে করে তুলতে পারেন জলবৎ তরলং।

মাইফন্ট বুক (myFontbook)

ওয়েব ঠিকানা: www.myfontbook.com

আপনার কম্পিউটারে সংগ্রহীত সমস্ত ফন্ট ব্যবস্থাপনা করার জন্য একটি আদর্শ সফটওয়্যার



‘মাইফন্টবুক’। এর সাহায্যে আপনি কিওয়ার্ড দিয়ে সব ফন্টকে সাজানো

ছাড়াও ফন্টগুলোকে রেটিংও করতে পারেন - যাতে প্রয়োজনের সময় এগুলো খুঁজে পাওয়া সহজ হয়। ওয়েব অ্যাপ-কেশন হওয়ায় এটিকে যে কোনো অপারেটিং সিস্টেমে ব্যবহার করা সম্ভব।

ফন্ট বুক (Font Book)

ওয়েব ঠিকানা:

www.support.apple.com/kb/HT2509

এটি শুধু অ্যাপল কম্পিউটার ব্যবহারকারীরাই ব্যবহার করতে পারবেন। এর চমৎকার, ইউজার-



ফ্রেন্ডলি ইন্টারফেসের সুবাদে ফন্ট সংগঠন এবং প্রয়োজনমত ব্যবহার করা হয়ে

যাবে খুব সহজ। একই ইন্টারফেসে ফন্ট সংগঠন, ইনস্টল, মুছে ফেলা এবং অনুসন্ধান করার সুবিধা আছে এতে। বিভিন্ন শ্রেণীতে ফন্টকে বিন্যস্তও করা যায়।

ফন্টম্যাট্রিক্স (Fontmatrix)

ওয়েব ঠিকানা: www.fontmatrix.net



এই ওপেন সোর্স ফন্ট ব্যবস্থাপনা প্রোগ্রামটি মূলত লিনাক্সের জন্য


তৈরি করা হলেও বর্তমানে উইন্ডোজ ব্যবহারকারীরও এটি ব্যবহার করতে পারছেন। এর স্ক্রিপ্ট কন্ট্রোল ফিচারের মাধ্যমে নিজের ইচ্ছেমত প্রোগ্রামটিকে কাস্টমাইজ করতে পারেন

বলে ওয়েব ডেভেলপাররা এটি খুব পছন্দ করেন। এটি প্রতিটি ফন্ট-এর মেটা ডাটা (ডিজাইনারের নাম, কপিরাইট তথ্য ইত্যাদি)-ও প্রদর্শন করে।

ফন্টপিকার (Font Picker)

www.richardsprojects.co.uk/products/font-picker

এই ফ্রি সফটওয়্যারটি ফন্টের বিপুল সংগ্রহের সুষ্ঠু ব্যবস্থাপনার জন্য খুবই কার্যকরী। Adobe AIR



ফ্রেমওয়ার্ক রান করে এমন যে কোনো অপারেটিং সিস্টেমই সাপোর্ট করে এ সফটওয়্যার। এর একটি ওয়েবভিত্তিক ভারসনও আছে। এ সফটওয়্যারটিতে বিভিন্ন ফন্টকে ফেভারিটস হিসেবে চিহ্নিত করে রাখা যায়, অপছন্দের ফন্টকে নির্ভ্রাণ্টে মুছে ফেলা যায়।

এসফন্ট (sFont)

ওয়েব ঠিকানা:

www.apps.leviathonssoftware.co.cc/sfont

শুধুমাত্র উইন্ডোজ অপারেটিং সিস্টেমে চলা এই ফ্রি ফন্ট ব্যবস্থাপনা প্রোগ্রামটির ইউজার



ইন্টারফেসটি একে দ্রুত সব ধরনের ব্যবহারকারীর কাছে প্রিয় করে তুলবে।

এর ফিল্টার ফিচারটি ব্যবহার করে ট্রু টাইপ এবং নন ট্রু টাইপ উভয় ফন্টই দ্রুত খুঁজে বের করা যায়। ব্যাকগ্রাউন্ড এবং ফোরগ্রাউন্ড রঙ পরিবর্তন করে সব ফন্টকে সুন্দরভাবে প্রিন্টিং করা যায়।

ফাইন্ডথ্যাটফন্ট! (FindThatFont!)

ওয়েব ঠিকানা:

www.mathijs.jurresip.nl/findthatfont

এর সাহায্যে আপনার কম্পিউটারে ইনস্টল করা সমস্ত ফন্ট-এর দ্রুত প্রিন্টিং দেখা এবং বিভিন্ন




পদ্ধতিতে ফন্টের শ্রেণীকরণ করা যাবে। নির্ধারণ করে দেয়া ৩০টি

ক্যাটেগরির যে কোনোটিতে আপনার সংগ্রহকৃত ফন্টগুলোকে ক্যাটেগরাইজেশন করতে পারেন। এর Extension manager সুবিধাটি ব্যবহার করে প্রোগ্রামটিকে কাস্টমাইজেশন কারও সম্ভব।

ফন্টস++ (Fonts++)

www.stevewehrmann.net/Fonts.asp

উইন্ডোজ অপারেটিং সিস্টেম ব্যবহারকারীদের ফন্ট ব্যবস্থাপনা সংক্রান্ত যাবতীয় বামেলা দূর করবে এ সফটওয়্যার। অব্যাহত ফন্টগুলোকে ইচ্ছে করলে ডিঅ্যাকটিভেট তথা নিষ্ক্রিয় করে রাখা যায় যাতে পছন্দের ফন্ট খোঁজার সময় গোটী সংগ্রহকে বারবার দেখতে না




হয়। এছাড়া উইন্ডোজের প্রচলিত সিস্টেমে না গিয়ে এ সফটওয়্যার থেকেই ফন্ট ইনস্টল বা আনইনস্টল করা সম্ভব।

সিফন্ট প্রো (Cfont Pro)

ওয়েব ঠিকানা: www.cfontpro.com

এ প্রোগ্রামটিও তৈরি করা হয়েছে শুধুমাত্র উইন্ডোজ ব্যবহারকারীদের জন্য। ফন্ট ইনস্টল



করার আগে প্রিন্টিং করার ব্যবস্থা আছে এতে। যারা এক্সটারনাল হার্ড

ড্রাইভ বা পোর্টেবল মিডিয়া ডিভাইসে ফন্ট রাখেন তাদের জন্য এ সুবিধাটি বেশি দরকারি। ফন্ট প্রিন্ট করে দেখতে চাইলে ব্যবহার করুন এর প্রফ শিট। এছাড়া প্রপার্টি ভিউয়ার (Property Viewer) ফিচারটি ফন্ট সম্বন্ধে প্রচুর তথ্য এনে

হাজির করবে আপনার সামনে।

ফন্ট এক্সপ্লোরার (Font Xplorer)

www.moonsoftware.com/fxplorer.asp

এই জনপ্রিয় ফ্রি সফটওয়্যারটির সাহায্যে ইনস্টল এবং আনইনস্টল করা ফন্টগুলো দ্রুত ব্রাউজ করা



যায়, প্রিন্ট শিট ফিচার ব্যবহার করে নির্দিষ্ট টেমপ্লেটের সাহায্যে ফন্ট প্রিন্ট করা যায় -

ফন্ট সংক্রান্ত সমস্ত তথ্যও একসঙ্গে প্রদর্শন করা হয়। ফন্ট ফাইল কোনো কারণে করান্ট হয়ে গেলে Font Repair Wizard-এর সাহায্যে সেটিকে মেরামত করা যায়।

এএমপি ফন্টভিউয়ার (AMP FontViewer)

www.ampsoft.net/utilities/FontViewer.php

সহজে ব্যবহারযোগ্য কিন্তু খুবই কর্মক্ষম একটি ফন্ট ব্যবস্থাপনা প্রোগ্রাম এএমপি ফন্টভিউয়ার। ট্রু টাইপ, ওপেন টাইপ এবং টাইপ১-সহ বিভিন্ন ধরনের ফন্ট ফরম্যাট সমর্থন করে এই



সফটওয়্যারটি। একসঙ্গে একাধিক ফন্ট ইনস্টল করা এবং দ্রুত অপছন্দের

ফন্ট রিমুভ করাও এর একটি বড় সুবিধা। ফন্টের সংগ্রহ বিশাল হয়ে গেলে সেগুলোকে নিজের পছন্দমত বিভিন্ন শ্রেণীতে শ্রেণীবিভাগ তথা ক্যাটেগরাইজ করার ব্যবস্থাও এতে আছে। ■